

O panorama electoral miñorano magoas presenta variacións respecto ao autonómico. Como no resto do territorio galego, os resultados outorgaron unha suba espectacular ao PSOE -a maior da súa historia na bisbarra-. Pese a iso, o Partido Popular fíxose coa maioría dos sufraxios e os nacionalistas caeron en picado en relación á anterior convocatoria galega.

Os socialistas incrementaron o seu número de apoios en once puntos en toda a bisbarra, ao atinxir un 32,1%. Os populares perderon catro inteiros ao lograr o 48% dos sufraxios, aínda que manterían unha maioría simple. O maior descenso foi para o Bloco, que perdeu seis puntos ao aglutinar só o 16,4% dos votos.

Nigrán ofrece os resultados máis acordes coa meia comarcal. O PP perdeu alí tres inteiros e atinxiu o 47,7% pese a ter incrementado o número de votos en 400 respecto aos comicios de 2001. Os socialistas medraron dez puntos ao chegar a un 32,7% e aglutinar case trescentos votos máis que fai catro anos. Os nacionalistas perderon preto de trescentos sufraxios, o que lles fixo baixar seis puntos e atinxir un 16,4%.

O caso de Baiona é similar. Os populares perderon cinco puntos, ao caer alí o 47,2% aínda que gañaron máis de 200 votos respecto a 2001. A PSOE duplica o seu número de sufraxios, ao chegar a 1.953, e a súa porcentaxe medra doce puntos e atinxe o 31,5%. O Bloco perde tamén preto de 300 sufraxios e seis puntos. A súa porcentaxe cae alí o 18,7%.

A escalada máis espectacular do PSOE produciuse en Gondomar. Aínda que o PP gañou en porcentaxe, con un 47,7%, pese a perder sete puntos, os socialistas superaron a si mesmas con unha medra de catorce inteiros. A súa 32,1% fronte ao 18,5% de 2001 responde a un incremento no número de votos de case 800. Pola súa parte, os nacionalistas perderon algo máis de 200 sufraxios e a súa porcentaxe reduciuse en seis puntos, con un 17,7%.

Ao igual que no resto do territorio galego, a participación rexistou un importante incremento na bisbarra miñorana. Do 60,8% de electores que exerceron o seu dereito ao voto en Baiona e Nigrán, ambos municipios medraron oito e seis puntos, respectivamente. En Gondomar o incremento foi de catro puntos.